

**SESSIONI STRASURDINARIA DI U 2026
RIUNIONI DI U 1MU DI GHJUGNU DI U 2026**

N° 2026/M4/21

MUZIONI
(CÙ DUMANDA D'ESAMI PRIURITARIU)

**DIPUSITATA DA : GHJUVAN'BATTISTA GERONIMI PA U GRUPPU
CHJAMA À L'UNITÀ**

UGHJETTU : Sustegnu à Scola Corsa

VISTU a Dichjarazione universale di i diritti linguistichi chì stipuleghja u dirittu à a trasmissione di e lingue ;

VISTU a Carta europea di e lingue regionale o minoritarie (Cunsigliu di l'Europa, 1992), cù menzione di l'impegnu di i Stati signatarii per ciò chì toccanu à l'educazione è di vita publica ;

VISTU a Convenzione di l'UNESCO nantu à a prutezzione di a diversità di l'espressioni culturali (2005) ;

VISTU u funziunamentu di a reta ESCOLIM, e scole l'lkastola (Paese bascu), Calandreta (Occitania), Diwan (Bretagna) è Bressola (Catalogna Nordu), chì prufittanu tutti di quadri ghjuridichi è di finanziamenti publichi ;

VISTU a lege n° 2002-92 di u 22 di ghjennaghju di u 2002 di pettu à a Corsica, chì u so articulu 7 ricunnosce a specificità di l'insignamentu di a lingua corsa è trasferisce a cumpetenza à a Cullettività di Corsica ;

VISTU a deliberazione n° 13/096 AC di l'Assemblea di Corsica di u 17 di maghju di u 2013 chì adutta e pruposte per un statutu di cuufficialità è di rivitalizzazione di a lingua corsa ;

VISTU a deliberazione n° 22/088 AC di l'Assemblea di Corsica di u 30 di ghjugnu di u 2022 chì adutta u raportu relativu à l'immersione, una strategia à u serviziu di l'apprendimentu è di a pratica di la lingua corsa ;

VISTU u prugettu accademicu « Scola 2030 » è a so ambizione di generalizà l'insignamentu bislinguu è immersivu in Corsica ;

VISTU a deliberazione n° 25/134 AC di l'Assemblea di Corsica di u 2 d'ottobre di u 2025 chì adutta a Cunvenzione d'uggettivi è di mezi trà u Statu è la Cullettività di Corsica per u sviluppu di l'insignamentu di la lingua corsa ;

VISTU u raportu di a cummissione ad hoc di l'Assemblea di Corsica nantu à a pulitica linguistica di u 30 di ghjennaghju di u 2026 ;

CUNSIDERENDU chì e prussime leve sò u vettore principale di a tramendera di a lingua corsa, è chì a so impiegu hè di primura per a so salvezza ;

CUNSIDERENDU chì u mudellu d'insignamentu immersivu publicu è associativu, cum'è quellu di a rete Scola Corsa, hà permessu in cinque anni di scularizà 200 zitelli in un quadru d'immersione di alta qualità ;

CUNSIDERENDU chì u ricorsu introduttu da u Prifettu di Corsica, mubilizendu l'articulu 40, è u caratteru dichjaratu illegale di a rete Scola Corsa, minaccia a so esistenza stessa ;

CUNSIDERENDU chì e rimesse in causa di l'insignamentu immersivu in lingua corsa sò in cuntradizione incù l'impegnu di a Francia in materia di multilinguisimu è di diversità culturale à u livellu auropeanu ;

CUNSIDERENDU chì l'Assemblea di a Ghjuventù hà u duvere d'impegnà si à prò di a so lingua è di a so cultura, chì facenu parte di a so identità.

L'ASSEMBLEA DI A GIUVENTÙ DI CORSICA :

- **DENUNZIA** l'offese publiche contr'à l'insignamentu immersivu in lingua corsa ;

- **SUSTENE** a generalisazione di l'insignamentu immersivu publicu è associativu di a lingua corsa ;
- **INVITA** tutti i ghjovani Corsi di mubilizà si à prò di a so lingua è di a so cultura, participendu à e strutture educative immersive è associative.
- **ESIGE** a definizione negoziata cù u Statu è u Retturatu d'un quadru ghjuridicu durevule chì permette di cofinanzià a reta immersiva associativa, nantu à u mudellu di tutte e scole di a reta ESKOLIM ;
- **DUMANDA** a cuntrattualisazione generalizata di l'11 posti di a reta d'insignamentu immersivu Scola Corsa, cum'ella hè stata impegnata dappoi ferraghju 2026 ;
- **DUMANDA** à u Cunsigliu esecutivu di a Corsica chì a lingua corsa sia assicurata da un quadru ghjuridicu in u quadru di e discussione incù u Statu francese nantu à l'autunumia di a Corsica.